

The Electronic *Manipulus florum*  
[www.manipulusflorum.com](http://www.manipulusflorum.com)

Fides siue fidelitas I  
cum fonte primo

Aufer argumenta ubi fides queritur.  
In ipsis gymnasiis suis iam dyaletica taceat.

Piscatoribus creditur, non dyaleticis.

Ambrosius libro I. de trinitate.

Aufer hinc argumenta, ubi fides quaeritur.  
In ipsis gymnasiis suis iam dialectica taceat.  
Non quaero, quid loquantur philosophi, requiro, quid faciant.  
Soli in suis gymnasiis remanserunt.  
Vide, quam fides argumentis praeponderet:  
illi cottidie a suis consortibus deseruntur, qui copiose disputant,  
isti cottidie crescunt, qui simpliciter credunt.  
Non creditur philosophis,  
creditur piscatoribus, non creditur dialecticis,  
creditur publicanis.

Ambrosius Mediolanensis, *De fide libri V.*, 1.13 (CSEL 78,  
O. Faller ed., pp.36-7, ll.43-50).